



UGOVOR

o javnoj nabavci ormarića za regulaciono-mjerne setove

KJKP „Sarajevogas“ d.o.o. Sarajevo, ul. Trg Fadile Odžaković Žute br. 4, 71000 Sarajevo
Koga zastupa: Direktor preduzeća, mr.sc. Nihada Glamoč, dipl.ing.maš., (u daljem tekstu: Kupac)

i Unis Fagas d.o.o., Rajlovačka bb, Sarajevo
Koga zastupa: Direktor, Alen Gradašević, (u daljem tekstu: Prodavac)

Član 1.

Predmet ovog ugovora je **nabavka ormarića za regulaciono-mjerne setove** po provedenom otvorenom postupku nabavke broj TD-05-06/19. Prodavac je dostavio ponudu prema Obrascu za cijenu ponude kupca broj SP-OJ04-TD-05-06/19 (ANEX III). Sadržaj i vrijednost robe iz stava 1. ovog člana (Obrazac za cijenu ponude - Anex III broj SP-OJ04-TD-05-06/19) priloženi su ovom ugovoru i predstavljaju njegov sastavni dio.

Član 2.

Ugovorna vrijednost robe iz člana 1. ovog ugovora iznosi: 107.437,50 KM bez PDV-a (slovima: stosedamhiljadačetristotrideset sedam 50/100 KM), a jedinične cijene su fiksne i specificirane u prilogu ovog Ugovora i čine njegov sastavni dio.

Član 3.

Prodavac će robu iz člana 1. isporučivati prema obrascu za cijenu ponude SP-OJ04-TD-05-06/19 nakon zaključenja ovog ugovora sukcesivno prema potrebama Kupca. Prodajna cijena podrazumijeva isporuku opreme u skladište Kupca u PTO Butila, Sarajevo. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu kupca. Uz isporuku roba prodavac je dužan dostaviti i sva uvjerenja i certifikate koji potvrđuju kvalitet robe, a koji je definisan tenderskom dokumentacijom. Prodavac će obračun isporučene robe vršiti po jediničnim cijenama iz priloga ovoga Ugovora. Kupac će plaćanje izvršiti u roku od 30 dana po izvršenoj isporuci i prijemu uredno ispostavljene fakture na transakcijski račun naznačen na fakturi.

Član 4.

Obaveza Prodavca je da u roku od sedam (7) dana računajući od dana potpisivanja ovoga ugovora dostavi Kupcu garanciju za dobro izvršenje posla u iznosu od 10% od vrijednosti ugovora u obliku безусловne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana. Ukoliko Prodavac obavi sve ugovorene poslove kvalitetno i u roku, Kupac će u roku od petnaest (15) dana nakon realizacije ugovora Kupcu vratiti pomenutu garanciju. Ukoliko Prodavac ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavim.

Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom nijedne ugovorne strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 6.

Prodavac je u obavezi da u roku od 2 dana nakon dobivanja narudžbe od kupca izvrši isporuku tražene opreme. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora. Prodavac garantuje da će isporučena oprema biti tvornički nova i neupotrebljavana. Garantni rok za isporučenu opremu je 24 mjeseca.



Član 7.

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 8.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 9.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 10.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 11.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 12.

Sve nesporazume do kojih dođe u realizaciji ovog ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca :


Direktor, Alen Gradašević

Broj ugovora, 009/19
28.02.2019.



Za Kupca:

Direktor Preduzeća

Mr.sc. Nihada Glamoč, dipl.ing.mas.

Izvršni direktor

Mr. Mehmed Mehović, dipl.oec.

Broj ugovora, 50/19
27-02-2019



